

Date – 26/10/2024

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Chief Minister Pu Lalduhoma'n Union Home Minister Amit Shah hmu in hmasawna tur hrang hrang an sawi dun.**
- 2. Sericulture Department hnuaiia Eri Project kalpul meka Sericulture Farmer te thar chhuah "Eri Cut Cocoon" chu State pawnah thawn chhuah a ni.**
- 3. India leh Germany chuan thawhdunna tur inremna thuthlung MoU chi hrang hrang nimin khan an ziak.**
- 4. Jharkhand Assembly inthlan thawhkhatna chuh turte tana nomination thehluh hun chu nimin khan a tawp a, Maharastra inthlan turah party hruaitu langarten nomination an thehluh tan tawh bawk.**

<><><>

CM MET UNION HM

Chief Minister Pu Lalduhoma'n Union Home Minister Amit Shah hmu in hmasawna tur hrang hrang an sawi dun.

Nimina Pu Lalduhoma leh Amit Shah inkawm hian P&E Minister leh Assam Rifles inkara thil thleng chungchang bakah ramria venhimna kenkawh dan tur hrang hrang an sawi dun tura rin a ni a, hei bakah hian state hmasawna tura hmachhawp hrang hrang te Pu Lalduhoma hian a thlen a ni.

Chief Minister Delhi zin hian Union Minister for Road Transport & Highways Pu Nitin Gadkari bakah Union Commerce & Industries Minister Piyush Goyal hmuin ramdang te nena insumdawn tawna leh hmarchhak bial in a chhawr tangkai tur hmasawna hrang hrang an sawi dun a, Mizoram National Highway hmasawna tur an sawi bawk a ni.

Chief Minister Delhi zin hi vawiin hian alo haw dawn a, alo thlen hnuah CM Conference Hall ah thuthar thehdarhtute a kawm nghal ang.

<><><>

SERICULTURE MINISTER

Sericulture Department hnuaiia Eri Project kalpul meka Sericulture Farmer te thar chhuah "Eri Cut Cocoon" chu State pawnah thawn chhuah a ni a.

Sericulture Minister Pu Lalthansangan nimin khan Aizawla Sericulture Directorate atangin a vailiam a ni.

Hemi pual hun hmanaah Minister chuan thusawiin, Cocoon te chu State pawnah man man zawka hralh theih a nih bakah, mamawhna a sang a, tawih chhe ve mai thei lo anih avangin thawnchhuah kawngah harsatna a awm lo tih sawiin kuthnathawktuten intih hmuh a, uar deuh a pawimawh tih a sawi.

Sericulture Department Director Pu V. Zothansanga chuan Cocoon khawitute pangngang khawite chu man man zawka an hralh chhuah theih nan sorkarin theihtawpin hma a la mek a ti a, Sericulture Department pawhin hlawk zawka Cocoon hralh anih theih nan hma an lak mek thu a sawi bawk.

Tun tuma Eri Cut Cocoon thawn chhuah hi Metric Tonne 2 niin Assam Barbeta Dist a Barpeta Marketing Jahur Uddin chuan a lei a, a leitu hi Silk Entrepreneur niin Kum 10 chuang NE a Cocoon thar te leikhawmin Assam leh West Bengal a Silk Spinner hrang hrangte a Supply chhawng veleh thin a ni. Kg 1 hi ₹700/- zela hralh a ni a, an lak chhuah tak a buhchium Metric Ton 9 pawh Mizoram chhungah ₹300-400 -in hralh vek a ni bawk.

Tun dinhmunah Eri Cut Cocoon hi Department leh "Silk Cocoon Processing and Marketing Industry Private Limited" tang dunin state pawna an hralh leh theih nan, an thawkdun mek a ni.

<><><>

MNF

MNF Party Office Mizo Hnam Run-a nimina MNF Party inkhawmah Minister hlui Pu R Lalzirliana chuan thusawiin ram siam tur chuan mi puitling, mipuite dinhmun hriaa kalsan lotu nih a ngai, a ti.

Pu R. Lalzirliana chuan Politics khel tur chuan politician an tha ber tih sawiin, Politics-ah chuan ram mipuite ban phak tawk hria nih a ngai a ti a. ZPM sorkar chu dan chungah leng, roreltu uchuak tak ang mai niin an chet danah a lang chho zel a. VC-te an thawhpui theih loh avanga an term tihtawisaka vaute chu a dik lo a. Ration buhfai chungchangah a changtu minister thusawite chu chapona a ni a ti a, Sorkar chu sumdawng a ni lova, mipuite harsatna sutkian chu roreltute tihur a ni a ti.

He inkhawm kaihruiatu Pu K. Riachho, PAC (MNF GHQ) pawh thu sawiin, tunhnaiah ZPM sorkarin PWD thuneihna a chhuhsak a ti a, hei hi inrintawklorna -no confidence ang hiala a ngaih thu leh PWD ni lo dept. dangten works an thawh theihna tura order tihchhuah chu PWD Minister rin lohna a nih bakah technical person enkawl lohin minister-te hnuaiiah hna an thawk dawn tihna a ni, a ti.

Pu Riachho chuan MNF sorkarah Subordinate Staff Selection Board-in fel takin hna a la thin ni a sawiin ZPM sorkar chuan board thiatin tunah hian DPC-in hna an la a, minister-ten an duh duh an la thei tawh dawn a, Hei hi a fair lo hle a, mipuiten an tuar dawn a ni, a ti bawk.

<><><>

PC PARTY

PC Party in Mizorama raltlan awm mek te khungkhawma khuahkhirh an duh tih an Party President Pu Vanlalruata'n a sawi.

PC Party hian nimin khan Assembly neiin, hetah hian Pu Vanlalruata chuan a sawi a, tanpui mamawh avanga Mizoram beltu te humhim leh enkawl chu Mizo nunphung a ni a. Raltlan te tha taka enkawl tur a ni a, chutihlai chuan mipui ration an tawm ngawt tur a ni lo a, mipui chanai chanpuiin an chhuh sak tur a ni lo a, raltlan te chu refugee camp a khungkhawm vek a, awmze neia enkawl a tul a ti.

Tunhnaia raltlan an rawn pun hma leh pun tirh atanga an lo aupui tawh chu thuneitu ten ngaihtuah chiang duh lovin zalen takin an awm tir a, a pawizia hriat tur a tam tial tial a. Buaina leh harsatna lian zawk a thlen hmaa raltlan te khungkhawm a, awmze neia enkawl a ngai a ti a ni.

PC Party hian nimin vek khan State Council Meeting nei in Executive Committee Member an thlang nghal a ni.

<><><>

CONGRESS

MPCC President Pu Lal Thanzaran Ratu biala Sinlung Hills Council inthlanna neih turah model code of conduct bawhchhiat a ni a ti a,

Pu Lal Thanzara chuan Education Minister Dr Vanlalhlalan Ratu bial a tlawnah sawrkar school zawng zawng te chu Public Meeting a kal turin lehkha pek an ni a, mi engemaw zat an tel a. Minister hovin school mamawh te sawihona an nei ni a sawi a ni a ti a, Hemi chungchangah hian Zirtirtute hlauthawng in Press Release siamin an insawifiah zui a, hei hi Minister leh sawrkar hnathawk ten Election Code of Conduct an bawhchhiatna chiang tak a ni, a ti.

Nimina an party political Session Congress Bhavan-a neihah thusawiin Pu Lalthanzara chuan ZPM sorkar chuan sorkar kaltawh ten rohlu an lo siam tawh chu enkawl thei lo leh thiam lovin midang kuta hlan ringawt an tum a, fimkhur a ngai a ti a.

An thu dawn thar berah ZPM sorkar chuan Mini Hydrel Project neih te enkawlsak turin rangkachak tlereuh a sumdawng hausa Kundan Green Private Ltd. Te nen inbiakna kalpui a nih thu sawiin Pu Lal Thanzara chuan ZPM chuan an sawrkar tantirhah Medical College chu, an enkawl thei lo tiin Central sawrkar kutah pek an tum a, Lengpui Airport pawh Indian Air Force kutah hlan an tum a. Sum tamtak Airport chuan a thawkchhuak a, an sum hman dik loh vang leh hman heu thin avangin harsatna an tawh a nih hmel a, churang chuan kan Airport hi hralh a, midang kuta hlan an tum mek a ni, a ti.

He hunah hian Pu John Rotluangliana pawhin thu sawi in, an chanchin dawn tharah Chief Minister leh Pu Beichhua te chu BJP hotute dawrin Delhi ah an kala, indawrna a kal mek ni a hriat a ni a ti.

<><><>

BJP

BJP Mizoram state President Pu Vanlalhmuaka, New Delhi-a Party meeting hmanga cham mek chuan sorkar laipui Minister te kawmin thu hrang hrang a thlen a,

Mizoram venhimna kawnga thawktu hrang hrangte dinhmun te, tun hnaia Assam Rifles leh Mizoram Minister te inkara thilthlengte, Myanmar leh Bangladesh buai avanga ralflante leh ramri hung chungchang te a sawipui bawk a ni.

Pu Vanlalhmuaka hian Union Minister of Petroleum & Natural Gas Pu Hardeep Singh Puri, Union MoS for Prime Minister's Office Dr Jitendra Singh leh Union MoS for Home Affairs te Pu Nityanand Rai te a hmu a, Mizorama tuialhthei chhekkhawlna an neih loh avanga, tuialhthei chawkluhna ah harsatna a awm thin thu a hrilh a, kawng a chhiat hlek chuan Mizoram ah tuialhthei ah kan harsat thu te sawiin, a rang thei ang bera Oil Depot Mizorama siam a nih theih dan turte, Mizoram tuialhthei man sang chho zel chungchang avanga mipui mimirin kawng hrang hranga kan tawrh dan te a sawipui a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te ngaihthlak leh chhiar theih a dah a ni.

<><><>

PM AND GERMAN CHANCELLOR

India leh Germany chuan thawhdunna tur inremna thuthlung MoU chi hrang hrang nimin khan an ziaak. MoU an ziah zingah hian green hydrogen atanga ngaihtuahna thar innovation leh technology lama thawhdunna tihlenna turte a tel a. Prime Minister Narendra Modia leh German Chancellor Olaf Scholz te New Delhia an inkawm hnuah heng MoU te hi ziah a ni a.

Thuchhuah intawm an siamah PM Modia chuan India chuan Ukraine leh Asia khawthlang lama inngirngghona awm mekah remna leh muanna siam chu aduh ber a ni tih a sawi nawn a. Heng buaina te hian India leh Germany te pawh a nghawng a, India chuan indona chu buaina chinfelna a ni lo tih hi a ngaihndan a ni reng tawh a ni a ti bawk.

German Chancellor Olaf Scholz pawhin Germany leh India inkara thawhdunna langsarte a tarlang a. Ram pahnihten ngaihtuahna thar hman kawngah te leh hmasawna tluantling neih kawngah te thawhdun zel an duh tih a sawi a ni.

German Chancellor lo zin chungchangah Foreign Secretary Vikram Misri chuan ram pahnih hruaitu pahnihten thawhdunna lama hmasawna nasa tak an nei chu lungawithlak an tih thu a sawi a. Kum 2023 ah khan ram

pahnih insumdawntawwna hlut zawng hi dollar tluklehdingawn 33 a ni a ti a. India-a German sumdawwna hlut zawng pawh dollar tluklehdingawn 15 a tling tawh a ti bawk.

Puan tawh angin Prime Minsiter Narendra Modia leh German Chancellor Olaf Scholz te kaihhruaiin nimin khan Intergovernmental Consultations (IGC) vawi 7-na New Delhi-ah neih a ni. IGC hi ram pahnih sawrkara minister ten an hmatiam theuha thil pawimawh leh tha an sawihona leh an thawhhona thlirlet nan hman a ni a. He hunah hian Prime Minister Modia chuan thusawiin India leh Germany te thawhunna hrang hrangah kum hnih chhungin hmasawwna tha tak tak a awm a ti a. An thawhhunna langsar zingah ralthuam, technology, energy, hmasawwna tluantling leh khawvel ti chhe tlem zawk neih lamahte hma an sawn nasa a ni a ti.

Nimin vek khan Asia Pacific Conference vawi 18-na an ho bawk a. Prime Minister Modia chuan thusawiin theihna, technology, ngaithuahna thar leh hmasawwna ruhrel te chu India thanna a ni a ti a. Kuminah hian India leh Germany inlaichinna chuan kum 25 a tling tih sawiin kum 25 lo awm leh turah chuan hei aia sang hi an thleng dawn a ni a ti bawk.

Prime Minister Narendra Modia chuan Germany in India mi thiambik nei hnathawkte tan kumkhata visa quoota chu sing 2 atangin sing 9 ah a tipung tih PM Modia chuan a puang bawk a ni.

German Chancellor Olaf Scholz pawhin thusawiin Germany leh India nena thawhdunna chu tihlen a ngai a ni a ti bawk.

<><><>

ELECTION

Jharkhand Assembly inthlan thawhkhatna chuh turte tana nomination thehluh hun chu nimin khan a tawp a. Inthlan thawhkhatnaah hian Assembly bial 43 ah thlahleh ni 13 ah vote thlak a ni ang. Chief Minister hlui Champai Soren chuan Saraikela bial chuh turin nominationi a thehlut a. AJSU party hruaitu Sudesh Kumar Mahto chuan Silli chuh turin nominationi a thehlut bawk a ni.

Maharastra Assembly inthlan tur atan pawh nimin khan Political Party hruaitu langsar tak takten hming an thehlut a. BJP Senior leader leh Deputy CM Devendra Fadnavis chuan South West Nagpur chuh turin nimin khan nomination a thehlut a. Hetihlai hian Congress hruaitu Prafull Gudadhe chuan he bialah vek hian nomination a thehlut ve bawk a ni. Puan tawh angin Maharastra Assembly inthlan hi November ni 20 ah neih a ni ang.

<><><>

PM MANN KI BAAT

Prime Minister Narendra Modi chuan naktuk Pathianni chawhma dar 11 hian 'Mann Ki Baat' programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 115-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te

tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

<><><>